

جریدہ علمیہ

شبیخت جلیلمہ اسلامیہ نمک جریدہ رسمیه پیدر

رجب الفرد ۱۳۳۴ [*]

عدو : ۲۵

آیدہ بر نشر اولور

اوپنجی سنہ

فتاویٰ شریفہ

تجهیز و تکفین
هند غنیہ فوت اولدقده تجهیز و تکفینی کندی مالندن لازم اولیوب زوجی زید
اوزینه لازم اولورمی الجواب : اولور

نکاح
هند بالغه نفسنی مهر مثیلہ کفوی زیدہ تزویج ایلسه هندک باباسی عمرو اذنم بولنمادی
دیو عقد مزبوری فسحه قادر اولورمی الجواب : اولماز

زید مسلم کتابیه اولان هند نصرانیہ بی تزوج ایتک جائز اولوب لکن ایتماک اولی
اولورمی الجواب : اولور

زیدک زوجہ سی هنددن متولد اوغلی عمرو زیدک زوجہ اخراسی زینک زوج
آخردن متولدہ قزی خدیجہ بی تزوج ایتک جائز اولورمی الجواب : اولور

[*] حسب الایجاب نشری تأخرایدن بونسخه مؤخر تاریخلی بعض موادی ده محتویدر .

طلاق

زید حال غضبندہ زوجہ سی ہندہ سنی استم دیسہ مجرد بویہ دیسکہ ہند بوش
اولورمی الجواب : اولماز

* *

زید عمروہ سنی منزلہ قورسم عورتم اوچ طلاق بوش اولسون دید کدنصرہ زید
منزلندہ یوغیکن عمرو زیدک اذنسز زیدک منزلہ کیرسہ مجرد کیرمکہ زیدک عورتی اوچ
طلاق بوش اولورمی الجواب : اولماز

* *

طلاق اوزریمہ اولسون دیمک عورتم بوش اولسون دیمک معناسنہ متعارف اولان
بلدہ اہالیسندن زید فلان فعلی اشلرسم طلاق ثلاثہ اوزریمہ اولسون دیوب بعدہ اول
فعلی اشلہ زیدک زوجہ سی ہند اوچ طلاق بوش اولورمی الجواب : اولور

* *

نفقہ

زید اولاد صفارینی بلانفقہ براغوب آخر دیارہ کیدوب خرچلق دخی کوندرمیوب
زیدک لابوین قرنذاتی عمرو موسردن غیری کمسنہ سی اولماسہ عمرو زیدہ رجوع ایتمک
اوزرہ صفاری اتفاقہ مجبور اولورمی الجواب : اولور

* *

زوجی اولیان ہند موسرہ نک نفقہ سی اولادی اوزرلرینہ لازمہ اولیوب کندی
مالندن لازمہ اولورمی الجواب : اولور

* *

زید و عمرو و ہند صغیر و فقیرلر اولوب بابالرینک اناسی زینب ایلہ انالری خدیجہ دن
غیری کمسنہ لری اولیوب لکن زینب موسرہ اولوب خدیجہ معسرہ اولسہ صغیرلرک
نفقہ لری خدیجہ اوزرینہ لازمہ اولیوب یالکز زینب اوزرینہ لازمہ اولورمی
الجواب : اولور

* *

زوجی اولیان هند فقیرەنك اوغلی زید موسر ایله اناسی زینب موسرەدن غیری
کەسنەسی اولماسە هەندك نفقەسی زینب اوزرینە لازمە اولیوب یالکز زید اوزرینە
لازمە اولورمی الجواب : اولور

★ ★
★ ★
زوجلری اولیان هند وزینب فقیرەلر اولوب انالرینك اناسی خدیجە موسرە ایله لابوین
ارقرنداشلری زید موسردن غیری کەسنەلری اولماسە ضربورەلرک نفقەلرینك سدسی
خدیجە و باقیسی زید اوزرلرینە لازمە اولورمی الجواب : اولور

★ ★
★ ★
حضانه
اوچ یاشنده اولان زید ایله سکز یاشنده اولان هند صغیرلرک حق حضانهلری بابالری
عمروک اولیوب انالرینك اناسی زینبک اولورمی الجواب : اولور

★ ★
★ ★
عدت
زید ذات حیض اولان زوجە مدخول بهاسی هندی باینا تطلیق ایتدکدنصکرە التمش
کون تمامنده هند نفسنی عمروه تزویج مراد ایتدکده اوچ حیض کوروب عدتم منقضیه
اولدی دیسه عمرو هنده اینانیجق هندی تزوج ایتمک جائز اولورمی الجواب : اولور

★ ★
★ ★
مراجعة
زید زوجە مدخول بهاسی هند حره نی انجق ایکی طلاق رجعیله تطلیق ایتدکدنصکرە
زید هنده عدتی ایچنده مراجعة ایدوب تجدید نکاح ایتدین هند ایله ازواج معامله سنه
قادر اولورمی الجواب : اولور

★ ★
★ ★
وقف
غله سی واقفک مطلقا اولادینه مشروطه وقفک غله سنده واقفک قزلری واقفک
اوغللرینە شارکته قادره اولورلری الجواب : اولورلر

تولیتی واقفک مطلقا اولادینه و اولاد اولادینه مشروطه وقفک تولیتی واقفک اولاد اولادندن هند مستقله ضبط ایلسه واقفک اولاد اولادندن زینب و خدیجه هنده تولیت مزبورده مشارکته قادره اولورلرمی الجواب : اولورلر

★ ★

بیع زید ملک منزلی ثمن معلومه عمروه بیع و تسلیم و قبض ثمن ایتدکدنصکره زید نادم اولوب بیعی فسخه قادر اولورمی الجواب : اولمازلر

★ ★

هیه هند صحته جمیع املاکنی اولنجهیه قدر کندوی بسلمک شرطیه زینبه هیه و تسلیم ایدوب زینب دخی هندی بسلمکن هند فوت اولسه ورثه سی هیه بی طوتمامغه قادر اولورلرمی الجواب : اولمازلر

★ ★

زید مرض موتنده وارثی اولمیان قرنداشی اوغلی عمروه بعضی اشیاسنی هیه و تسلیم ایتدکدنصکره زید فوت اولسه ثلث مساعد ایکن ورثه سی هیه بی طوتمامغه قادر اولورلرمی الجواب : اولمازلر

★ ★

زید اوغلی عمرو کیره ملک منزلی هیه ایدوب بعده تسلیم و قبض بولمیدن زید فوت اولسه هیه مزبورده باطله اولورمی الجواب : اولور

★ ★

حجیر زید صغیره قاضی عمروی وصی نصب ایتدکدنصکره زید رشید اولدینی حالده بالغ اولدقده عمروک یدنده لولان مالی عمرودن المغه قادر اولورمی الجواب : اولور

★ ★

کرامیه

اوزرنده تصاویر اولوب لکن سجده ایده جک یرنده تصویر اولیان بساط اوزرنده
نماز قلمق مکروه اولورمی الجواب : اولماز

★ ★

وصیت

زید ثلث مالم وجوه بره صرف اولنه دیو وصیت وتنفیذینه عمروی وصی نصب
ایتد کدنصره زید مصرأ فوت اولسه عمرو ترکهنک ثلثی آلوب وصیتی وجه شرعی اوزره
تنفیذ مراد ایتد کده ورثه بغیر وجه عمروی تنفیذدن منه قادر اولورلرمی الجواب : اولمازلر

★ ★

وصی

هند صغیره نک قاضی طرفندن منصوب وصیسی زینب هندک زید ذمتنده اولان شوقدر
غروش الاجفی زیددن دعوی ایدوب حکم ایتدرد کدنصره اولقدر غروشی زیددن المغه
قادره اولورمی الجواب : اولور

★ ★

ارث

تبعه اجنیه دن اولان آغوب فوت اولدقده تبعه دولت علیه اسلامیه دن اولان قرنداشی
آغوبه وارث اولورمی الجواب : اولماز

★ ★

هند فوت اولوب انجق کندوبی آزاد ایدن زینبک قز قرنداشی اوغللری زید و عمروی
ترک ایتد کده هندک ترکه سی مزبورلره ویرلیوب بیت الماله وضع اولنق لازم اولورمی
الجواب : اولور

★ ★

زید فوت اولوب لایوبین خالی اوغلی عمروی و لایوبین خاله سی هندک اوغلی بکری
وهندک قزی زینبی ترک ایتد کده ترکه زید الی سهمدن اولوب اوچ سهمی عمروه ایکی
سهمی بکریه بر سهمی زینبه ویرلسه صحیح اولورمی الجواب : اولور

بوصورتده زیدک خاله سی اوغلنک قزی دخی زیده وارثه اولورمی الجواب : اولماز

زید فوت اولوب زوجہ سی ہندی ولاہوین عہد سی زینی ولاہوین خالی عمروی ترک
ایتدکدہ ترکہ زید دت سہمدن اولوب برسہمی ہند و عمروہ ایکی سہمی زینہ ویرلسہ
صحیح اولورمی الجواب : اولور

بو صورتدہ زیدک عہمی قزی دخی زیدہ وارثہ اولورمی الجواب : اولماز

★
★ ★

فراغ
زید مرض موتندہ اراضی امیریہ دن سند خاقانی ایلہ متصرف اولدینی تارلانی اذن
صاحب ارضلہ اوغلی عمروہ فراغ ایتدکد نصکرہ زید فوت اولسہ سائر اولادی مجرد مرض
موتدہ فراغ معتبر اولماز دیو اول تارلایہ مداخلہ قادرا اولورمی الجواب : اولماز

سکریٹری کلیم

قوا خانہ عالی قرارری

مرترقہ نک غلہ وقف دعواسنی استماع ایدہ میہ جکی حقندہ []

بر وقفک منازع فیہ عقارات موقوفہ سی غلہ سندن حصہ آلان کیمسہ او عقاراتک

[*] بوابدہ یکیشہر قضاسی قاضی وکالتندہ بولنان قضاء مذکور مفتیسندن وارد اولان

۲۲ جمادی الاولی سنہ ۱۳۳۴ تاریخلی تحریرات خلاصہ سیدر:

امور قضا معاملات شرعیہ سی وکالہ عہدہ داعیانہ تفویض بیوریلان نفس یکیشہر قصبہ سندن
موجود بر قسم عقاراتہ معارف محلی ایلہ بلدیہ طرفلرندن وقوع بولان مداخلہ اوزرینہ اشبو عقارات
عقارات وقفیہ دندر دیہرک محلی اوقاف ادارہ سی نامنہ اقامہ دعوی ایدن وکیل علی رضا ائندی
مداخلہ واقعہ نک منعی طلب ایتیش ایسہدہ قصبہدہ کائن سلیمان یاشا مدرسہ سی مدرسہ سی اولوب
استیفا ایلکدہ اولدینم ایکی یوز غروش مدرسلک معاشنک مذکور اوقاف صندوقندن اعطا اولنسی
حسبیلہ مجلہ احکام عدلیہ نک بیک سکز یوز طقوزنجی مادہ سی واحکام اوقافک دت یوز آلتیش
یدنچی مسئلہ سی موجبہ دعوی مذکورہ نک رؤیت وفصلنہ ہدم صلاحیت حقندہ معارف نامنہ
قضا قائمقامی وبلدیہ نامنہ بلدیہ رئیس طرفلرندن واقع اولان اعتراضہ بناء مذکور دعوانک رؤیتندہ
متردد بولندینم جہتلہ ایجاب کیفیتک امر وانشعار بیورلسی معروضدر اولبابدہ